إطلاق منصة رقمية لاستقصاء آراء المواطنين حول تحديات التنمية المستدامة

فإطار تحيين الاستراتيجية الوطنية للتنمية المستدامة تم إطلاق مسلسل تشاوري واسع مع كل الفاعلين المعنيين بالتنمية المستدامة فبلادنا سواء على الصعيد الوطني أو الترابي. هاد المشاورات بدات بالمناظرات الجهوية حول التنمية المستدامة اللي تم تنظيمها على صعيد كل جهات المملكة ابتداء من 13 مارس 2023 بحضور وازن لكل الفاعلين من منتخبين ومصالح خارجية وقطاع خاص ومجتمع مدني واللي مكنات من التشاور حول أولويات ورهانات الاستدامة على صعيد الجهة واقتراح الحلول القادرة على جعل التنمية الجهوية شاملة.

بالموازاة مع ذلك تم إطلاق منصة رقمية www.noussahimo.gov.ma واللي تم وضعها رهن إشارة عموم المواطنين لاستقصاء رأيهم حول كل المواضيع اللي كتعلق بالتنمية المستدامة فالمحيط ديالهم مثل الإطار المعيشي والخدمات العمومية المقدمة من صحة وتعليم وسكن ونقل ، إلخ...و التدابير المتخذة للمحافظة على الموارد الطبيعية والتراث الثقافي ؛ إضافة إلى التدابير الأولوية باش نجعلو الاقتصاد ديالنا قوي وكيخلق مناصب شغل ذات جودة.

من خلال هاد المنصة سيتمكن كل مواطن من التعبير عن الرأي ديالو حول أولويات الاستدامة فبلادنا سواء في المجالات الاقتصادية أو الاجتماعية أو البيئية أو الثقافية وبذلك غيكون ساهم في إعداد السياسات العمومية.

المشاركة تتم بصفة سرية و هي مفتوحة فوجه كل الراغبين للمساهمة فهاد الورش الاستراتيجي الهام على غاية نهاية شهر ماي 2023.

التنمية المستدامة هي ورش مجتمعي عطا الانطلاقة ديالو صاحب الجلالة الملك محمد السادس نصره منذ سنوات من أجل تحقيق التوازن بين التنمية الاقتصادية والاجتماعية والمحافظة على التراث الطبيعي والثقافي ديال الأجيال الحالية والمستقبلية. هاد الورش تم تنزيلو من خلال الاستراتيجية الوطنية للتنمية المستدامة اللي كتعتبر الإطار العام لتعزيز الاستدامة فالسياسات العمومية ديال بلادنا. بعد خمس سنوات من تنزيل النسخة الأولى من هاد الاستراتيجية، أطلقت الوزارة بتوصية من اللجنة الوطنية للتنمية المستدامة اللي كيتر أسها السيد رئيس الحكومة ورش إعادة صياغة هاد الاستراتيجية من أجل الملائمة ديالها مع المستجدات الوطنية والدولية مثل النموذج التنموي الجديد والأجندة الأممية حول التنمية المستدامة.